

Commembers PS Grischun



Cuira, ils 24 da november 2015

## Demissiun sco president da la PS Grischun

Charas cumpognas e chars cumpogns,

Ils 7 da mars 2009 a Samedan, avant bun set onns, ha la PS Grischun elegì mai sco president. Schebain ch'jau sun anc adina il giuven dals presidents da las partidas grischunas, sun jau gia il pli ditg en uffizi. Plinavant èn be trais da mes 20 predecessurs en ils ultims 110 onns stads pli ditg a la testa da la PS Grischun. Il temp ès qua da surdar la responsabladad.

Al proxim di da partida dals 9 d'avrigl 2016 stun jau betg pli a disposiziun per in ulteriur onn d'uffizi. La direenziun da partida hai jau gia infurmà l'entschatta da l'onn da mia decisiun.

Ir a la testa da la Partida socialdemocrata grischuna è in'onur e fa plaschair. L'elecziun cun 24 onns è stà ed è anc adina in grond mussament da confidenza. Da l'emprim di è questa confidenza stà in'obligaziun d'avanzar cun premura nossas finamiras, da mussar engaschi e spiert da gruppa. Baintant è reussì, auter na betg.

### Noss success

Lavur da partida è in'ovra da cuminanza. Mintga success è perquai in success per nus tuts. Nus avain comunablamain defendì nossa represchentanza en la regenza grischuna ed il Cussegl naziunal – stagl Claudio Lardi (fin 2010) ed An-drea Hämmerle (fin 2011) èn oz Martin Jäger e Silva Semadeni en uffizi ed han cleramain affirmà lur sez quatter onns pli tard.

A las elecziuns dal Cussegl grond 2014 avain nus gudagnà 15 sez e festivà il meglier resultat en l'istorgia da la PS Grischun.

Sco forza d'opposiziun avain nus gudagnà votaziuns impurtantas: Na als gieus olimpics d'enviern, gea a la forza electrica schubra senza charvun.

**Sozialdemokratische Partei  
Kanton Graubünden**

Gürtelstrasse 24  
Postfach 561 · 7001 Chur

Telefon 081 284 91 00  
Telefax 081 284 91 01

sekretariat@sp-gr.ch  
www.sp-gr.ch

Ilis gremis da partida, la fracziun en il Cussegl grond e la commembranza èn da-ventadas pli giuunas. Cuntrari a la maiorità da las autras partidas chantunals da la PS avain nus mantegnì il dumber da commembers ed extendì noss fundament finanziel.



### Rebattidas mudentas

Deplorablament avain nus era già rebattidas. Duas restan en memoria. Primo: per il parlament grischun vala anc adina in sistem d'elecziun malgist e strusch conform a la costituziun. Puspè avain nus empruvà da curreger quai sin via politica. Puspè n'è quai betg reussì. Quest affar sto uss vegnì sclerì giuridicament.

Secundo: amez la transformaziun da las partidas grischunas – la PBD e la PVL èn sa furmadas da niev – n'avain nus betg dumignà da far frunt a l'avanzada dretg-conservativa en furma d'ina PPS da maniera turitgaisa. I resta sco fin qua la sfida per la PS da s'opponer a quella maschaida da naziunalissem e pusanza finanziela.

### Procedura per la reoccupaziun

La suprastanza da la partida vegn a discutir il proceder per la reoccupaziun dal presidi a la scuntrada da la proxima fin d'emna a Salecina (Maloja). La direcziun da partida propona ina cummissiun per chattar candidaturas. Tar questa pon candidatas e candidats potenzials s'annunziar. La cummissiun duai era sez daven-tar activa e tschertgar persunas qualifitgadas. Ulteriuras infurmiations suondan en las proximas emnas. Il nov presidi duai en mintga cass vegnì elegì al proxim di da partida dals 9 d'avrigl 2016.

In nov presidi è adina ina schanza. Nossa partida vegn a tschaffar quella cun curaschi ed optimissem. Da quai sun jau persvadì!

Freundliche Grüsse

Sig.

Jon Pult